

上海图书馆藏书




A541 212 0012 4851B

江蘇先賢像の幀

增吳中惠氏傳經圖の幀

~~1629750~~

280862



吳 中 惠 氏

傳 經 圖

惠元龍先生像
惠仲禰先生像
惠定宇先生像
馮桂芬先生跋

江蘇省立蘇州圖書館

民國廿八年八月

吳中惠氏傳經圖(一)

惠周揚，字元龍，吳縣人，世居東渚硯溪。父有聲，字律和，明末以歲貢生教授九經於鄉里，四世傳經，有聲爲之首。周揚少傳家學，又從徐杖汪琬，究心經學，工



惠元龍先生像

詩古文詞。康熙進士，調密雲知縣，有惠政。著有易傳，春秋三禮問，詩說，爲經學大師，其詩文別爲硯溪集

。采乾隆蘇州府志，民國吳縣志。

吳中惠氏傳經圖(二)

惠士奇，字仲孺，一字天牧，周揚子。年十二，能詩，爲諸生，肆力於經史古學。康熙進士，主湖廣鄉試，所得多知名士。提督兩廣學政，粵士子鮮知實學，士奇立約以通經爲先務，逾年文風大振。乾隆初，補侍讀，纂



惠仲孺先生像

修三禮，以老乞歸，自號半農居士。撰易說，禮說，春秋說，尤明天文樂律，有交食舉隅，及琴箏理數考；詩有紅豆齋小草，詠史，樂府等。宋乾隆蘇州府志，民國吳縣志

吳中惠氏傳經圖(三)

惠棟字定宇，士奇子，初爲吳江縣學生。幼承家學，於經史諸子稗官野乘無不通；經取注疏，史兼裴張小司馬顏籀章懷之注，諸子並及莊列荀揚呂覽淮南古注，小學本爾雅，六書本說文，餘及急就章經典釋文漢魏碑碣。家貧，課徒自給。嘗進考漢儒易學，發明易本



惠定宇先生像

例；撰易漢學，周易述，易微言，易例；又撰九經古義，古文尙書考，諸史會最，九曜齋筆記，竹南漫錄等。錢大昕謂擬諸前儒，當在何休服虔之間；馬融趙歧輩不及也。采乾隆蘇州府志，民國吳縣志，及支偉成清代樸學大師傳。

先生

收購日期	年	月	日
收購單號	4	5	26
價	份	銀	角

江蘇省立蘇州圖書館寄

館址滄浪亭

月 日

江蘇省立蘇州圖書館寄

地址：滄浪亭

電話：六十九號

無法寄遞退還原處



范文正公仲淹

宋端拱二年己丑生——皇祐四年壬辰卒(989—1052)

公，吳縣人，字希文。少孤，長依戚同文學，舉祥符進士，晏殊荐爲祕閣校理，每感激論天下事，奮不顧身，一時士大夫矯厲尙氣節，自先生倡之。仁宗朝遷吏部員外郎，元昊反，以龍圖閣直學士副夏竦經略陝西，籌邊數年，攻守兼施，號令嚴明，愛撫士卒，羌人呼爲龍圖老子。夏人亦相戒不敢犯境，曰小范老子，胸中自有數萬甲兵。旋拜樞密副使，進參知政事，卒謚文正。著有丹陽集，及奏議尺牘。公內剛外和，爲秀才時，以天下爲己任，嘗言先天下之憂而憂，後天下之樂而樂，尤樂善好施予，置義田贍族人。



范忠宣公純仁

宋天聖五年丁卯生，建中靖國元年辛巳卒。(1027—1101)

公吳縣人，仲淹次子，字堯夫，皇祐進士，嘗從胡瑗，孫復學。父歿，始出仕。知諫院時，言王安石變法妨民，無所諱避。哲宗朝，官尚書僕射，以博大開上意，忠篤革士風，忤章惇，貶永州。徽宗立，除觀文殿大學士，以目疾乞歸，卒謚忠宣。公夷易寬簡，不以聲色加人，義之所在，則挺然不少屈，自布衣至宰相，廉儉如一。著有忠宣公集。



倪雲林先生瓚

元大德五年辛未生，明洪武七年甲寅卒。(1301—1374)

先生無錫人，字元鎮，有潔癖，工詩，善畫山水，初師董源，晚年一變古法，以天真幽淡爲宗。所居有清閼閣，多藏法書，名畫，秘籍，四時卉木，縈繞其外，自號雲林居士。至正初，嘗扁舟往來震澤三泖間，張士誠屢欲鉤致之，逃漁舟以免。明太祖平吳，瓚已老，黃冠野服，混迹編氓以終。著有清閼閣集。



顧仲瑛先生瑛

元至大三年庚戌生，明洪武二年己酉卒。(1310—1369)

先生崑山人，字仲瑛，別名阿瑛，又名德輝，家世素封，輕財結客，豪宕自喜。年三十，始折節讀書，舉茂才，署會稽教諭。築別業於茜涇，西曰玉山佳處，日與高人俊流，賦詩其中。淮張據吳，避地嘉興，母喪歸，張氏辟之，斷髮廬墓，自號金粟道人。及吳平，繫其子元臣徒居儋梁。嘗自爲壙志，卒年六十。著有玉山璞臺，玉山名勝集，草堂雅集等。



高青邱先生啟

元至元二年丙子生——明洪武七年甲寅卒(1336——1371)

先生，長洲人，字季迪，博學工詩。家北郭，與王行輩十人居相近，號北郭十友，又以能詩，號十才子。張士誠據吳，名士讐集，先生獨依外家，居吳淞江之青丘，自號青丘子。洪武初爲編修，與修元史，累官戶部侍郎，自陳年少不敢當重任，賜白金放還，授書自給。知府魏觀禮遇甚歡，以改修府治獲譴，帝見先生所作上櫟文，怒而腰斬於市。先生警敏有文武才，書無不讀，尤邃於羣史，詩雄健渾涵，自成一家，著有大全集，鳧藻集。



夏仲昭先生景

明洪武廿一年戊辰生——成化六年庚寅卒(1388——1470)

先生，崑山人，初名昶，字仲昭，先從外姓朱氏，登第後，復今姓。永樂進士，以經術進，而書法特妙，由庶吉士改中書舍人，正統中，知瑞州，官至太常正卿，致仕。先生爲政，人安其平易，居家孝友，風流文雅，有高人致。詩詞清麗，尤工畫竹石，擅名天下，至於日本朝鮮諸國皆懸金購之。



葉文莊公盛

明永樂十八年庚子生——成化十年甲午卒(1420——1474)

公，崑山人，字與中，正統進士，授兵科給事中。景宗立，進都給事，物論推重。擢右參政，督宣府，協贊軍務，天順時以右僉都御史巡撫兩廣，督諸將擒瀧水猺鳳弟吉。憲宗朝擢禮部右侍郎，時議搜河套復東勝，公力言不可，後師竟無功，人服其先見，轉吏部左侍郎，卒諡文莊，有葉文莊公奏議，菴竹堂稿，水東日記。



沈石田先生周

明宣德二年丁未生——正德四年己巳卒(1427——1509)

先生，長洲人，字啟南，號石田，博覽羣書，文學左氏，詩擬白居易蘇軾陸游，字仿黃庭堅。尤工於畫，與唐寅，文徵明，仇英並稱爲四大家。爲人耿介獨立，年十一，游南都，作百韻詩上巡撫侍郎崔恭；比長，絕意隱遁，風神蕭散，如神仙中人。正德間卒，年八十三，世稱石田先生。著有客坐新聞，石田集，江南春詞，石田詩鈔，石田雜記。



吳文定公寬

明宣德十年乙卯生——弘治十七年甲子卒(1435——1504)

公，長洲人，字原博，號龜菴。以文行有聲諸生間。成化中會試廷試皆第一，授修撰。侍孝宗東宮，每進講，閑雅詳明。孝宗時，預修憲宗實錄，遷詹事府，進禮部尙書，卒謚文定。先生行履高潔，不爲激矯，而自守以正，於書無所不讀，作詩文有典則，兼工書法。著有家藏集。



王文恪公鏊

明景泰元年庚午生——嘉靖三年甲申卒(1450——1524)

公，吳縣人，字濟之。成化鄉會試第一，授編修，歷充待講學士，累進戶部尙書，文淵閣大學士。中貴李廣導弘治帝遊西苑，公講文王不敢盤於遊畋，反覆親切，帝爲動容。劉瑾銜韓文劉大夏，欲殺之；又欲以他事中劉健謝遷，公力救得免，以志不得行求去，爲人博學有識鑒，文章爾雅，議論明暢，卒諡文恪。著有姑蘇志，震澤集，震仲長語，春秋詞命，史餘。



祝枝山先生允明

明天順四年庚辰生——嘉靖五年丙戌卒(1460——1526)

先生，長洲人，字希哲，生而枝指，故自號枝山，又號枝指生。五歲能作徑尺字，九歲能詩，稍長，博覽羣籍，爲文多奇氣，尤工書法，名動海內。弘治中舉於鄉，官至應天府通判，未幾致仕，玩世自放，流輩傳說附麗，往往出名教外。著有前聞記，九朝野記，蘇材小纂，集略，懷星堂集。



唐子畏先生寅

明成化六年庚寅生——嘉靖二年癸未卒(1470——1523)

先生，吳縣人，字伯虎，一字子畏，號六如。弘治鄉試第一。寧王宸濠以厚幣聘之，先生察其有異志，佯狂使酒，宸濠不能堪，放還，築室桃花塢。畫入神品，詩文初尙才情，晚年頽然自放。著有畫譜及六如居士集。



文衡山先生徵明

明成化六年庚寅生——嘉靖三十八年己未卒(1470——1559)
先生，長洲人，初名璧，以字行，別號衡山，學文於吳寬，學書於李應楨，學畫於沈周。爲人和而介，寧王宸濠慕其名，貽書幣聘之，辭病不赴。正德末，以歲貢生詣都，授翰林院待詔。世宗立，預修武宗實錄，侍經筵，致仕歸。年九十卒，私謚貞獻先生，詩文書畫皆工，而畫尤勝，世稱其畫並有趙孟頫，倪瓚，黃公望之長，著有甫田集。



周 恭 肅 公 用

明成化十二年丙申生——嘉靖廿六年丁未卒(1476——1547)
公，吳江人，字行之。弘治進士，授行人，正德初，擢南京兵科
給事中，旋以請治鎮守江西中官黎安罪，出爲廣東參議，預平番
禺盜有功。歷浙江山東福建副使按察布政等，代監司，鞠南陽滯
獄，獄爲之空。嘉靖時，擢右副都御史，仕至吏部尙書。端亮有
節概，卒諡恭肅。著有周恭肅公集。



歸熙甫先生有光

明正德元年丙寅生——隆慶五年辛未卒(1506——1571)

先生，崑山人，字熙甫。九歲能屬文，弱冠通五經三史，嘉靖間徙居嘉定安亭江上，讀書談道，學徒常數百人，稱震川先生。晚以進士授長興令，用古教化爲治，每聽訟，引婦女兒童案前，刺刺作吳語，斷訖，遣去，不具獄。大吏令不便，輒寢閣不行，大吏多惡之。隆慶中，高拱等薦爲南京太僕寺丞，卒於官。先生爲古文，原本經術，好太史公書，爲有明一代大家，滄浪亭記一篇，尤傳誦於世。著有震川集，三吳水利錄。



嚴文靖公訥

明正德六年辛未生——萬歷十二年甲申卒(1511——1584)

公，常熟人，字敏卿，號養齋。嘉靖進士，授編修，選侍讀，尋與李春芳直西苑，撰青詞，由翰林學士累官吏部尙書，武英殿大學士，入參機務。公畫花草有奇致，晨出理部事，暮宿直廬，供奉青詞，小心謹慎，至成疾，久不愈，遂乞歸。卒謚文靖，著有嚴文靖公集。



申文定公時行

明嘉靖十四年乙未生——萬曆四十二年甲寅卒(1535——1614)
公，長洲人，字汝默。嘉靖進士，授修撰，以文字受知張居正。
萬曆中，累官吏部尚書，繼張四維爲首輔。政務寬大，世稱長者，
時閣臣與言路日相水火，公欲收入心，罷居正時所行攷成法，
一切爲簡易，亦數有獻納，嘗力言催科徵派刑獄侈靡諸害。後以
冊立事爲言官交章論劾，公不自安，求罷，詔馳驛歸。卒謚文定，
著有賜閒堂集。



周忠毅公宗建

明萬曆十年壬午生——天啓六年丙寅卒(1582——1626)

公，吳江人，字季侯，尙書恭肅公曾孫。萬曆進士，由知縣擢御史。天啓元年魏進忠客氏亂政，進忠者魏忠賢故名也。公首抗疏極諫，時廷臣多陰附忠賢，其勢漸熾，見公疏，銜次骨；公遂抗疏直攻忠賢，疏入，忠賢益怒，率劉朝等環泣帝前，乞自髡以激帝怒。五年三月忠賢矯旨遣緹騎逮公，削籍下詔獄，毒訊，誣以贓罪，死獄中，崇禎初，謚忠毅。



周忠介公順昌

明萬曆十二年甲申生——天啓六年丙寅卒(1584——1626)

公，吳縣人，字景文，號蓼洲，萬曆進士，授福州推官，捕治稅監高朶爪牙不少貸。天啓中歷文選員外郎，署選事，力杜請寄，抑僥倖，清操皦然。乞假歸，以忤魏忠賢，爲其黨所誣陷，死獄中。崇禎初，諡忠介，著有燼餘集。



顧麟士先生夢麟

明萬曆十三年乙酉生，清順治十年癸巳卒。(1585—1653)

先生太倉人，字麟士，明崇禎副貢。集三吳名士爲應社，詩文雅馴

，爲時所宗，稱織廉先生。鼎革後，絕迹城市，潛心著述，有四書

說約，詩經說約，四書十一經通考，織廉居詩文集。



葉天寥先生紹袁

明萬曆十七年己丑生，清順治五年戊子卒。(1539—1648)

先生吳江人，字仲韶，號天寥道人，少有藻思，工詩賦。天啓進士，選南京武學教授，遷國子監助教，虞衡司主事，念母在家，又不耐吏職，遂乞終養。歸居汾河之濱，與妻沈宛君，菽水邀親歡，宛君工詩，五子三女，並有文藻，一門之中，更相倡和以自娛。無何母及妻女相繼歿，幽憂憔悴，杜門如枯衲。乙酉歲，棄家入山，祝髮爲僧，自號粟庵，輯一時死節諸臣爲書，未就而卒，卒時年六十。著有天寥集，湖隱外史，甲行日注，自撰年譜等。



瞿忠宣公式耜

明萬歷十八年庚寅生——清順治七年庚寅卒(1590——1650)
公，常熟人，字起田。萬歷進士，崇禎初，擢戶科給事中，詔會推閣臣，錢謙益謀沮周延儒，公言於當事，擴勿推，事發，坐貶謫，廢於家。福王立，擢右僉都御史，巡撫廣西，平靖江王亨嘉之亂。唐王監國，擢兵部右侍郎，協理戎政，退居廣東，清兵破汀洲，公立永明王由榔於肇慶，以大學士留守桂林，在軍與士卒同甘苦，城破，端坐府中，與總督俱死，清謚忠宣，著有媿林漫錄，及雲濤，松丸等集。



襄 辟疆先生

明萬曆三十九年辛亥生——清康熙三十二年癸酉卒(1611—1693)

先生，如皋人，字辟疆，號樸庵，自號巢民，幼有俊才，負時譽，崇禎十五年副貢生，史可法薦爲監軍，後又特用司李，皆不就，所居有樸巢水繪園深翠山房諸勝，入清，著書自娛，賓從謙遊，極一時之盛，有影梅庵憶語，樸巢水繪二集。



歸玄恭先生莊

明萬曆四十一年癸丑生——清康熙十二年癸丑卒(1613——1673)

先生，崑山人，一名祚明，字元恭，號恆軒，震川先生曾孫。明諸生，工文辭書畫，與顧亭林先生友善，魯王時共起兵。明亡，野服終身，往來湖山，性好奇，嘗僧裝，晚年寄食僧舍，非素交，雖厚弗納，時有歸奇顧怪之目。著有恆軒集，懸弓集，山遊詩。

。



顧寧人先生炎武

明萬曆四十一年癸丑生——清康熙二十一年壬戌卒(1613——1682)
先生，崑山人，初名絳，字寧人，居亭林，號亭林。明諸生，性耿介絕俗，與歸莊有歸奇顧怪之目。魯王時與莊共起兵，明亡，周遊四方，載書自隨，所至輒墾田度地，以備有事。康熙時舉鴻博修史，皆不就，後卜居華陰以終。先生學主博學有恥，斂華就實，凡國家典制郡邑掌故天文儀象河漕兵農之屬，莫不窮究。晚益篤志六經，精研考證，開清代樸學之風。著有日知錄，最精詣，又有左傳杜解補正，石經考，音學五書，天下郡國利病書，亭林詩文集，金石文字記，肇域志，吳韻補正等數十種。



朱柏廬先生用純

明萬歷四十五年丁巳生——清康熙廿七年戊辰卒(1617——1689)

先生，崑山人，字致一。父集璜，明末殉難，先生慕王褒攀柏之

義，自號曰柏廬。其學確守程朱，知行並進，而一以主敬爲程。

康熙中，或欲以鴻博薦，固辭乃免。及卒，私諡孝定先生。著治

家格言，尤膾炙人口，有愧訥集，及大學中庸講義。



徐昭法先生枋

明天啓二年壬戌生——清康熙三十三年甲戌卒(1622—1694)

先生，長洲人，字昭法，號俟齋，自號秦餘山人，崇禎舉人，工書畫，明亡，以父殉難，隱居不出，守約固窮，四十年如一日，湯斌撫吳，慕其人，兩屏騶從訪之，不得見一面，與沈壽民，巢鳴盛爲海內三遺民，著有居易堂集，俟齋集。



徐健庵先生乾學

明崇禎四年辛未生——清康熙三十三年甲戌卒(1631—1694)

先生，崑山人，字原一，號健庵。康熙進士，授編修，累官刑部尚書，侃侃立朝，風節自高，嘗奉命總纂一統志，清會典，明史。輯古文淵鑑等書，又著有讀禮通考，虞浦集，詞館集，碧山集。藏書極富，建傳是樓爲度藏之所，窮搜博討，編有傳是樓書目行世。



徐虹亭先生鈞

明崇禎九年丙子生——清康熙四十七年戊子卒(1636—1708)
先生，吳江人，字電發，號拙存，一號虹亭。受業于計甫草先生，
穎悟絕倫，工詩古文，善畫山水，嘗兩至京師，名譽蔚起，一時名
公鉅卿，皆折節與交，康熙中試鴻博，授檢討，纂修明史，後值翰
林外轉，與朝貴忤，被黜歸，遂不復出；好遠遊，浙閩江右兩粵中
州，均有先生足跡，後御書詔復原官起用，以病不就，家有松風書
室，豐草亭，與名流耆宿，日事觴詠，悠然忘老，乞歸田園，嘗刻
鞠莊樂府，朝鮮貢使仇元吉見之，以餅金購去，著有南州草堂集三
十卷，詞苑叢讀十二卷，續本事詩十二卷。



秦漢石先生松齡

明崇禎十年丁丑生——清康熙五十三年甲午卒(1637—1714)

先生，無錫人，字漢石，一字次椒，號留仙，順治進士，官國史院
檢討，罷歸，康熙中舉鴻博，復授檢討。家有寄暢園，在惠山麓，
擅林泉之勝，研精經術，尤邃于詩，著有毛詩日箋，蒼岷山人集。



惠天牧先生士奇

清康熙十年辛亥生——乾隆六年辛酉卒(1671—1741)

先生，吳縣人，字天牧，一字仲孺，晚號半農居士，康熙進士，選庶吉士，授編修，任廣東學政，以經學倡，士風大振，累官侍讀，以病告歸，初兼治經史，晚歲尤邃于經，著有易說，禮說，春秋說，交食舉隅，琴笛理數考，紅豆齋小草，詠史樂府，及歸耕人海諸集，學者稱紅豆先生。



鄭板橋先生變

清康熙三十二年癸酉生，乾隆三十年乙酉卒。(1693—1765)

先生興化人，字克柔，號板橋，乾隆進士，官山東濰縣知縣，有政聲，在任十二年，囹圄囚空者數。以歲饑爲民請命忤大吏，遂乞病歸。去官日，百姓痛哭遮留，家家畫像以祀之。先生爲人，疏宕灑脫，工畫蘭竹，書法以隸楷行三體相參，別成一格，詩近香山放翁，時人比之鄭虔三絕。所著有板橋全集，附刊之家書，情真語摯，悱惻動人，集中之道情詞，激昂慷慨，尤爲世所傳誦。



王文肅公安國

清康熙三十三年甲戌生，乾隆二十二年丁丑卒。(1694-1757)
公高郵人，字書城，號春圃，雍正間以一甲第二人及第，授編修，奉命纂一統志及八旗志，官至吏部尙書。任廣東巡撫時，粵東文武官吏，狂於積習，聞公至，相率欲引去，公與之約，不往，許自新，粵中吏治，嶺南風俗，爲之整飭。公起家寒素，由巡撫入爲尙書，衣食器用，不改於舊，屹屹如老諸生。專以經學訓子孫，不雜世事。卒謚文肅。詔修大清通禮及會典，幾由公一手編集，又著有詩文集若干卷。



王夢樓先生文治

清雍正八年庚戌生，嘉慶七年壬戌卒。(1730—1802)

先生丹徒人，字禹卿，號夢樓，乾隆進士，殿試第三人，官侍讀，出爲雲南臨安知府，罷歸。工書法，秀逸天成，爲文尙瑰麗，至老一歸平淡，詩亦能盡古今之變，而自成一體。尤積音律，嘗買僮教之度曲，行無遠近，必以自隨。一時聲華，與隨園先生相上下。持佛戒甚嚴，日食惟蔬果，年七十三，跏坐室中而卒。著有夢樓詩集二十四卷，



段懋堂先生玉裁

清雍正十三年乙卯生——嘉慶二十年乙亥卒(1735—1815)


先生，金壇人，字若膺，一字懋堂，乾隆三十九年舉人，四十九年爲貴州玉屏知縣，越三年，改四川巫山知縣，後引疾歸，一意經術，年逾八十，猶復矻矻不倦，生平最服膺戴震，在京師時，質疑問難無暇時，及宦游邊徼，猶時通札問，先生尤邃精音韻小學。著有說文解字注，六書音韻表，周禮漢讀考，儀禮漢讀考，古文尙書撰異，毛詩傳小注，詩經小學錄，經韻樓集各若干卷。



王石臞先生念孫

清乾隆九年甲子生——道光十二年壬辰卒(1744—1832)

先生，高郵人，字懷祖，學者稱石臞先生。少年時從師戴震，通聲音訓詁之學，乾隆四十年進士，選庶吉士，乞假歸，潛心學術，與李惇賈田祖汪中劉合拱程瑤田等，以經學相勵，旋入都，任工部主事，頗究心治河之道，屢任河道職，六十七歲以永定河漲，引咎辭歸，專攻學術，校勘之勤，至死不輟。著有讀書雜誌八十二卷，志餘二卷，廣雅疏證十卷。



孫淵如先生星衍

清乾隆十八年癸酉生——嘉慶二十三年戊寅卒(1753—1818)

先生，陽湖人，字淵如，博通經史百家，究心文字音訓之學，精究金石碑版，工篆隸，爲文高古，仰窺漢魏，與同里洪亮吉齊名。乾隆進士，官編修，歷官江東督糧道，以病免，主講鍾山書院，嘉慶間，阮元聘主詁經精舍講席，以經義天文地理課士，成就特多，精校勘，輯刊平津館叢書，岱南閣叢書。著有尙書今文注疏，周易集解，孔子集語，史記天官書考證，平津館金石萃編，孫氏家藏書目內外編，文稿，詩錄等書。



洪北江先生亮吉

清乾隆十一年丙寅生，嘉慶十四年己巳卒。(1764—1809)

先生陽湖人，字稚存，號北江，少孤，貧館穀以養母，母卒時，以客遊不及視含殮，故遇忌日輒不食。舉乾隆進士，授編修，督學貴州，教士以通經學古爲先。嘉慶時以上書指斥時事，戍伊犁，旋賜環，號更生居士。於書無所不窺，詩文有奇氣，駢體尤二，與黃仲則孫淵如兩先生齊名。初稱洪黃，後又稱孫洪。著有北江全集，北江遺集。



阮文達公元

清乾隆二十九年甲申生——道光二十九年己酉卒(1764—1849)
先生，儀徵人，字伯元，號雲臺，乾隆五十四年進士，選庶常，散館授編修，逾年，擢少詹事，修石渠寶笈，五十八年督學山東，旋調浙江學政，嘉慶初在浙修經籍纂詁，歷官禮兵戶工等部侍郎，浙閩贛粵諸省巡撫，及湖廣兩廣雲貴總督，終體仁閣大學士，加太傅，卒諡文達。生平淹貫羣書，精研經籍，以提倡學術自任，在史館修儒林傳，在粵設學海堂，在浙設詁經精舍，嘗校刊十三經注疏，彙刻學海堂經解。著有釋經室集，金石志，疇人傳，廣陵時事諸書。



孫文靖公爾準

清乾隆三十五年庚寅生，道光十二年壬辰卒。(1770-1832)

公金匱人，字平叔，號萊甫，嘉慶進士，累官至閩浙總督，會新化賊械鬪，全臺震動，公誅首犯二人，餘勿問，人心大定。所至必咨訪疾苦，前後修舉水利，成膏腴數萬頃。學問淹博，尤長於詞。卒諡文靖。所著有泰雲堂詩文集二十二卷，雕雲詞三卷。

江蘇先賢像

范文正公,仲淹 (吳縣)
公元 989 年 — 1057 年

范忠宣公,純仁 (吳縣)
公元 1027 年 — 1101 年

倪雲林先生,瓚 (無錫)
公元 1301 年 — 1374 年

顧仲英先生,瑛 (崑山)
公元 1310 年 — 1369 年

高青邱先生,啓 (長洲)
公元 1336 年 — 1374 年

夏仲昭先生,景 (崑山)
公元 1338 年 — 1470 年

葉文莊公,盛 (崑山)
公元 1420 年 — 1474 年

沈石田先生,周 (長洲)
公元 1427 年 — 1509 年

吳文定公,寬 (長洲)
公元 1435 年 — 1504 年

王文恪公,縉 (吳縣)
公元 1450 年 — 1524 年

祝枝山先生,希哲 (長洲)
公元 1460 年 — 1526 年

唐子畏先生,寅 (吳縣)
公元 1470 年 — 1523 年

文衡山先生,徵明 (長洲)
公元 1470 年 — 1559 年

周恭肅公,用 (吳江)
公元 1476 年 — 1547 年

歸熙甫先生,有光 (崑山)
公元 1506 年 — 1571 年

嚴文靖公,訥 (常熟)
公元 1511 年 — 1584 年

申文定公,時行 (長洲)
公元 1530 年 — 1614 年

周忠毅公,宗建 (吳江)
公元 1582 年 — 1626 年

周忠介公,順昌 (吳縣)
公元 1584 年 — 1626 年

顧麟士先生,夢麟 (太倉)
公元 1585 年 — 1653 年

葉天寥先生,紹袁 (吳江)
公元 1589 年 — 1648 年

瞿忠宣公,式耜 (常熟)
公元 1590 年 — 1650 年

冒辟疆先生,襄 (如皋)
公元 1611 年 — 1693 年

歸玄恭先生,莊 (崑山)
公元 1613 年 — 1673 年

顧甯人先生,炎武 (崑山)
公元 1613 年 — 1682 年

朱柏廬先生,用純 (崑山)
公元 1617 年 — 1689 年

徐昭法先生,枋 (長洲)
公元 1622 年 — 1694 年

徐乾庵先生,乾學 (崑山)
公元 1631 年 — 1694 年

徐虹亭先生,鉞 (吳江)
公元 1636 年 — 1708 年

秦漢石先生,松齡 (無錫)
公元 1637 年 — 1714 年

惠天牧先生,士奇 (吳縣)
公元 1671 年 — 1741 年

鄭板橋先生,燮 (興化)
公元 1693 年 — 1765 年

王文肅公,安國 (高郵)
公元 1694 年 — 1757 年

王夢樓先生,文治 (丹徒)
公元 1730 年 — 1802 年

段懋堂先生,王裁 (金壇)
公元 1735 年 — 1815 年

王石臞先生,念孫 (高郵)
公元 1744 年 — 1832 年

孫淵如先生,星衍 (陽湖)
公元 1753 年 — 1818 年

洪北江先生,亮吉 (陽湖)
公元 1764 年 — 1809 年

阮文達公,元 (儀徵)
公元 1764 年 — 1849 年

孫文靖公,爾準 (金匱)
公元 1770 年 — 1832 年

江蘇省立蘇州圖書館印行

收貯日期 年 月 日
1952.6
卷 四

上海图书馆藏书



A541 212 0012 4851B

280862

~~1629750~~